

Pilimon Le Leta Pol Le Rorori **Utu iviva**

Pilimon iye Kolose loloniye na iye raloñwelonwaghathi. Le rakakaiwobwaga regha idae Onisimos, ko iyemaenje va i voiteta ghagiya Pilimon. Mbwata vambe i kaviva le mani vavana na i vobigi (Righe 18). Mbañaniye i vo, na mbaña regha amba ve vutha Rom e tine, amba ve vaidiya Pol gheko. E lenji yakuyaku tine Pol i utuutuwe, na i goviva nuwae, ko amba i tabo raloñwelonwaghathi (Righe 10).

Pol nuwaiya i variya Onisimos na i njogha weya Pilimon. Ko iyemaenje Rom lenji mbaro i vatomwe na valikaiwae moli Pilimon iña na ragagaithi thi tagavamara Onisimos, o mbowo i utugiyava vuyowo vavana na i vaidiya vuyowae, kaiwae va i voitete. Iyako kaiwae Pol i roriya letake iyake na i variye weya Pilimon, na valikaiwae weiye le gharethovu i vanjungnjogha Onisimos (Righe 16,17).

Ghayamoyamo ngorereiye Pol va i roriya letake iyake weiye Kolose lenji leta e mbañako iyako, na i variyenji na regha (Kolose 4:9).

¹ Ghino Pol, ya vavagharenja Krais Jisas iya kaiwae ya yaku e thiyo tine. Weinju ghaghanda Timoti wo roriya letake iyake na wo variye i ghaona e ghen Pilimon, valighareghareme na lama valirakakaiwo,

² weinaŋgiya ekelesiya iya thi memevathavatha e len ŋgolona. Na tembe ŋgoreiyeva, wo variye weiya loume Apiya na tembe ŋgoreiyeva ghaghame Akipas, lama valiragagaithi Krais kaiwae.

³ Wo naŋgo weya Loi Ramanda na Giya Jisas Krais gharenji e hemi na lenji gharemalili i riyevanjara gharemina.

Pilimon le gharethovu na le loŋweghathi

⁴ Pilimon, mbaŋa regha na regha ya naŋgo weya Loi kaiwan, ya renuwajakikiŋge, na ya vata ago weya lo Loi kaiwan,

⁵ kaiwae ya loŋweya utunin len loŋweghathina i vurigheghe weya Giya Jisas na len gharethovuna i laghiye moli weŋgiya Loi le gharigharike wolaghiye.

⁶ Ya naŋgo na len tubwena weŋgiya thavala thi loŋweghathi ŋgoreiya ghen mbala i laghiye ŋgoreiya len ghareghare bigibigi thovuthovuye Loi i giya weinda. Iyake mbala i wovawwenyevwenyenja Krais.

⁷ Ghagħanġu, len gharethovu weŋgiya Loi le gharighari na u ɻaevavairiŋgi i vakathanġo ya warari laghiye na i vavurighegħengo.

Pol i naŋgo weya Pilimon Onisimos kaiwae

⁸ Len vakathako iyako kaiwae, nuwaŋguiya mbala u vakatha bigi regha, ko iyemaenje valikaiwanġu Krais e idae ya dage e ghen na u vakatha.

⁹ Ko kaiwae ghen na ghino ra vegħarethovu weinda iya kaiwae mbemane ya naŋgo enge e

ghen. Ghino Pol, kaero ya amala na Krais Jisas kaiwae ya yaku e thiyo tine,

¹⁰ ya nango e ghen na u vakatha wagiyawe Onisimos kaiwae, iye narunju Krais e idae. Mbaña mbe inaŋgu e thiyoke tine i mena e ghino ya thalavu na i lonjweghathi, iya kaiwae i tabo ŋgoreiya narunju.

¹¹ Va mbaña regha iye ma len rakakaiwo thovuye, ko iyemaenje mbañake kaero i tabo ghen na ghino la rakakaiwo thovuye.

¹² Amalaghiniye ghareŋgu mboron iya ya variye na i njoghaona e ghen.

¹³ Lo renuwaŋja mbala wo ya mwanaghathi gheke, iya mbañake amba inaŋguke e thiyo Toto Thovuye ghakaiwo kaiwae, na i methiŋje i kaiwo wothalavu kaiwae.

¹⁴ Ko iyemaenje ma nuwaŋguiya ya mwanaghathi, kaiwae ma nuwaŋguiya ya vakatha bigi regha thonjo ma u ghareghare na u vatomwe. Ma nuwaŋguiya wo thalavu kaiwae na ya vavothaŋaŋje, ko thonjo mbema ghanimberegha enje vara len renuwaŋja na len gharevatomwe e tine na u thalavuŋgo.

¹⁵ Mbwata Loi va i vatomwe weya Onisimos na i voitetenje wombajna ubotu na mbaña ne i njogha e ghen amba i meghababana moli.

¹⁶ E mbañake iyake iye kaero ma rakakaiwobwaga ŋgoreiye, iyemaenje iye i kivwala iyako. Mbañake iye ghaghan valigharegharen weya Krais. Lo gharethovu i laghiye weya amalaghiniye, ko iyemaenje len gharethovu ne i laghiye moli weya amalaghiniye, kaiwae iye len rakakaiwobwaga na tembe ŋgoreiyeva ghaghan

weya Giya.

¹⁷ Thoŋgo u ghareghare ghino len valirakakaiwo, u vaŋgunjogha e ghen wein len warari ŋgoreiya thonjo u vaŋgunjo.

¹⁸ Thoŋgo va i vakatha vathara bigi regha e ghen, o thoŋgova e ghaghaga e ghen, ghagako iyako u worawe e idanju.

¹⁹ E mbaŋake iyake mbe ghino vara Pol wombereghake e nimaŋgu ya rorori: ghino ne ya vamodo njogha iya ghaghagako iyako. (Ghen tembe ŋgoreiyeva e ghanighaga e ghino, yawalina ghavamoru ghaganiye. Ko ma nuwaŋguiya ya utuŋa bigiko iyako kaiwae.)

²⁰ Iya kaiwae ghaghangu, ya naŋgo e ghen Giya e idae, u thalavunjo na u vamboromboro lo renuwanjake. Kaiwae ghinda ra yaku weya Krais, u wovatha lo naŋgoke na u ŋaevavairiŋgo.

²¹ Ya ghareghare emunjoru ne u vamboromboro ŋgoreiye lo utuutuko, iya kaiwae ma rori ŋgoreiyake. Ya ghareghare ne len vakatha weya Onisimos i thovuye moli na budakaiya ma naŋgonja ne i thovuye kivwala.

²² Bigi reghava: u vivatharawe ghamba ghen regha kaiwaŋgu, kaiwae ya vareminje lemi naŋgonja Loi ne i loŋwe na i vaŋgunjoghaŋgo ya ghaona e ghemi.

Dage mwaewo

²³ Epapras mbe iyake, Krais Jisas kaiwae weinju wo yaku e thiyo, na iye i dage mwaewo e ghen.

24 Tembe ኃጋሬዕየዋ Mak, Aristako, Dimas na Luk, thiye lo valirakakaiwongi, thi dage mwaewo e ghemi.

25 Wo nango weya la Giya Jisas Krais ghare weŋga taulaghina e ghemi.

**Toto Thovuye Loi Ghaliŋae
Portions of the Holy Bible in the Sudest language of
Papua New Guinea
Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 28 Dec 2024 from source files dated 31 Aug 2023

7a63d67b-b890-5db0-8880-b6fd64f3b62f